



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Cancellario, & Notarijs, ac scribis Cancellariæ Episcopalis, deq[ue]
Cancellaria ipsa, secretarioque Episcopi.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

diligenti, vt & voluntatibus pijs satisfiat, & bona Ecclesię recuperentur, & locis, operibusuē pijs fraus nulla, vel minima, quò ad eius fieri potest, adhibeatur.

Præcipuè autem in eo vigilet, vt piarum causarum aduocati & procuratores nè officio vnquam desint, quod earum procuratio, ac defensio, ipsis commissa, deponcit.

Singulis hebdomadis, semel ad minimum, & procuratorem Fisci Episcopalis, & illos conuocet quibuscum deliberationem rationemq; omnem, vt diligentissimè potest, ineat; tùm de pijs legatis exequendis, tùm de Ecclesię bonis recuperandis, atque tuendis.

Quę vel ab ipsis aduocatis, procuratoribusve, vel ab alijs, quorum interest, in dies singulos, prout vsu venit, exponi solent, ea studiosè, attenteque audiat: si quę verò cognouerit in eo statu versari, vt necesse habeant aliquo officio adiuuati, aut tandem ad exitum perducì, is omni studio, etiam pro officij sibi commissi munere, videat, ac procuret opportuna, ad rem adiuuandam, conficiendamve remedia.

Quamobrem, & Vicarium generalem, & aliquando Episcopum, & iudices alios, quibus cum agendum est, toties adeat, quoties adiumento opus erit ad causam.

De Cancellario, & Notarijs, ac Scribis Cancellarię
Episcopalis: deque Cancellaria ipsa, Secretarioque Episcopi.

S V M M A R I V M.

- 1 Cancellarij Episcopalis, & substitutorij, Scribarumq; 21. qualitates.
- 2 Cancellarię Episcopalis officium, ab ipso Cancellario exercendum.
- 3 Et quando alios sibi in adiutorium adhibere liceat.
- 4 Notariorum Collegium instituendum.
- 5 Statuta ab ipso Collegio conficienda; officialesque deligendi.
- 6 Formule Curie testimonium à Notarijs quò postulantibus dandum.
- 7 Admittendi in Collegium, examine prius probandi.
- 8 Qui non admittendi.
- 9 Probati, iusiurandum præsent.
- 10 Iusiurandi, à Notarijs præstandi, formula.
- 11 Notarij, quacumque auctoritate, etiam Regia, & Imperiali, creati, ab Episcopo examinandi.
- 12 Idonei non inuenti, ad officium exercere in spiritualibus prohibendi.
- 13 Notarij originales processus iudicibus non deserant, sed exempla. 24.
- 14 Processibus scribendis quę obseruent, quęque vitent.

Qua

- 14 *Qua carta; quibusque caracteribus utantur.*
Acta omnia in Codicem referant: tum criminales processus. De foro Episc. nu. 10.
- 15 *Mercedem pro scriptione, editioneque scripturarum in causis quibuscumque certum in librum referant.*
Codices, & scripta omnia à Cancellario, & Notarijs confecta in Archiuum reponenda. De Archiuo Episc. nu. 4.
Instrumenta in Archiuum delata, à Notario rogato exscribi liceat. Ibidem. nu. 5.
Cancellario, Notarioque defuncto, uel amoto, scripta, instrumenta, & acta in Archiuum deferenda. Ibidem. nu. 6.
Notarius scripturarum rogatus in Archiuum delatarum, ubi illa edende sint, ipse edat: sique abest, obijtue, quis edat. Ibid. nu. 7.
Notarius cause, testium depositiones scribat. De foro Episcopali, nume. 11.
Cancellarius adhibendus, ubi decretum Episcopi sit interponendum. Ibid. nu. 12.
- 16 *Notario deficiente, qui alij adhibendi in illius locum: quidque capiant.*
Cancellarius
- 17 *Notarijque* } originalia acta nusquam exhibeant, nisi in plures.
- 18 *Neque scriptura alicuius exemplum edant sine Vicarij concessu.*
Actis etiam edendis delegatae executiones litterarum Apostolicarum in forma dignum, quid seruent. Quae ad benef. collat. attinent. num. c. 38.
- 19 *Notarijs duorum aureorum merces praescripta in conficiendis collati beneficij litteris, ex decreto Concilij primi, altero Concilij quarti decreto subtrahitur meia, & ibidem, nu. 33.*
- 20 *Quae in scribendis litteris dimissorij testimonialibusque ordinum susceptorum, merces limitata.*
Pro examine testium in executione dispensationum matrimonialium quartam partem aurei capiant. De Sacramento Matrim. 57.
- 21 *Cancellarius,*
Notarij } nullum donum, nè esculentum, poculentum uè capiant: neque patrociniū in foro Episcopali suscipiant, & expeditiones prosequantur. 22.
Scribe }
- 23 *Secretarius Epi.*
- 24 *Cancellario,* } quae gratis expedienda, etiam quod ad scripturam
Notarijs, alijsq; } attinet.
- 25 *Cancellarijs,* } delinquentibus poena proposita.
Notarijsque }
- 26 *De Notarijs sancita ad Cancellarios, & scribas extenduntur.*

- 27 Cancellarijs Episcoporum assignatae pensiones tolluntur.
- 28 Cancellarij Episcopales vendi, locari, earumque nomine quicquam persolui verum est: & quibus præcipue. 29.
Dantes, accipientesque ut puniuntur. 28. 29.
Cancellarius librum conficiat, in quo ij describatur, qui fidei professionem emiserunt. De profess. fid. nu. 4.
Quæ seruet, in conficiendis litteris facultatis prædicandi. De Concionat. 49.
Quæ in litteris dimissorijs studiorum causa. De Residentia. 13. 14.
& pro suscipiendis ordinibus. Quæ ad ordinis sacram. pert. 19.
Quæ in facultate celebrationis Missarum. De Missis sine cantu. 8.
Quæ in peregrinationis litteris. De Religios. præg. 3.
Librum habeat in quo relationes promulgaticum referat Apostolicarum Constitutionum. De Iurisd. Episc. 7.
- 30 Examini eorum causa, quibus beneficia conferuntur, & eorum qui ad Concionandi, vel Confessionis audiendæ munus admittantur, quos libros habeat quidque in eis notet.
Acta Sessionum Synodalium scribit, decretaque Synodi legit, vbi Canonicus sit. De Synodo Dioces. nu. 16.
Testificationes eorum, qui ordines suscipiunt, in certum librum relationis aseruat. Quæ ad ordinis sacram. nu. 61.
Litterasque publicas facit testimoniales ordinis suscepti, de his attestans. Ibid. nu. 62.
- 31 Excommunicatos, sibi à Parocho delatos, in tabellam refert.
- 32 Tabellam ipsam vbi collocet.
- 33 Suspensos, exilioque mulctatos Clericos, in eadem Tabellam scribit: ijque cum absoluuntur, qua pœna affiendi.
Indicem legatorum Aduocato Fiscali defert. De Causidicis. nu. 7.
Librum habeat, in quo descripti sint dies festi, qui in vnaquaque Parochia coluntur. De fest. dierum cultu. 38.
Isque liber qua ratione confectus sit. Ibid. 39.
Visitationis decretis subscribit; quæque alia faciat. De Visitat. 55.
Reliqua quæ conuenire aliqua ratione possunt officio Cancellarij, Notariorumque, & aliorum, videantur in Tit. de foro Episcopali.

Quibus

2. Tit. 3. dec.
12.1. De Notarijs,
& Scribis.

Vibus Cancellariæ Episcopalis munus commissum est, ipsimet in ea officij exercitatione versentur; si negotiorum tamen multitudo postulat, alios, Episcopi iudicio comprobatos, sibi in auxilium adhibere liceat.

Singuli Collegium notariorum Curie Episcopalis primo quoque tempore instituendum curent; quod certum numerum, pro suæ Diocesis conditione contineat.

4 Collegium statuta, Episcopo probanda, conficiat: officiales deligat, qui iudicent de eorum inter ipsos controuersijs, quæ ad eorundem officium pertineant. In causas autem, quæ inter notarios, & litigatores extiterint, se omninò non interponant, sed eas Episcopi iudicio relinquunt. In alijs verò causis, si cuiquam cum eis in iudicio agere contingat, eorum iura, priuilegiaque seruentur.

5 Postulantibus testimonium formulæ Curie, quam stylum vocant, de aliqua causa, nec deur, datum vim habeat; nisi ei maior Collegij pars subscripserit, cuius etiam formulæ exemplum ab Episcopo approbatum, & subscriptum, publicè in Collegio afferretur.

6 Qui in Collegium notariorum adscribi voluerint, eos Episcopus diligenter examine probet: tantum idoneos recipiat.

7 Excommunicatos, infames, & omnes, qui à testimonio dicendo iure repellantur, rejiciat.

Eos, qui vigesimum quintum annum non attigerint; quique per quadriennium in Notariatus officio integrè, peritèque non sint versati, non admittat.

8 Probatos priùs non recipiat, quàm iurarint Episcopo ea iusiurandi formulæ, quæ infrascripta est quam etiam ab ijs, qui in notariorum Collegium adscripti iam sunt, ad duos mentes præstari iubemus.

9 Ego N. notarius à Reuerendiss. D. N. Episcopo, vel D. N. eius Vicario delectus, nihil vel dedi, vel pollicitus sum gratia huius officij obtinendi.

Commissum mihi munus diligenter, ac fideliter exercebo.

A litigatoribus, quorum fuero notarius, vel à quocumque aliorum nomine, quauis de causa, nihil, nè spontè quidem datum, accipiam; præter id, quod Episcopi taxatione præfinitum fuerit.

Nihil agam; neque me, aut quemquam alium interponam, quo mihi vlla causa scribenda committatur.

Non ero promotor, vel procurator in causis, quæ agentur coram Reuerendiss. D. Episcopo, seu eius R. D. Vicario generali, vel aliquo ab eis constituto, seu eorum ministro.

In causis verò in quibus sum, vel fuero notarius, omnes actus iudiciales

ciales substantialiter in manuali, seu memoriali eorum Reuerendiss. D. Episcopo, seu eius Vicarijs, aut alio ab eis preposito, & etiam coram ipsius litigatoribus si expectare voluerint, conscribam.

Conscriptos eos, & instrumenta, & omnia alia, & singula in causis producta, scum Reuerendissimus D. Episcopus, vel alij supradicti seu litigatores, vel eorum aliquis, petierint, in regestum fideliter quam celeritè referam, vel referenda curabo.

Litigatores postulati, vel alicuius eorum, in singulis terminis successiue litigatoribus ipsis copiam dabo, cum per Reuerendissimum D. Episcopum, seu alios supradictos decreta fuerit, sine recusatione, & fraude, contentus mercede Episcopi taxatione prefinita.

Secreta eiusdem officij, & causarum nemini patefaciam, præsertim attestaciones testium, & consilia assessorum; attestacionesque & sententias, donec publicata, per lata, & sententiata, & per Reuerendissimum D. Episcopum, seu alios supradictos subscripta fuerint.

Constitutionibus, & mandatis Reuerendissimi Domini Episcopi obtemperabo.

Instituta quoque officij, & officialium Collegij honesta iussa seruabo.

Nec ullo unquam tempore contra faciam: & omnia, & singula supra scripta, omni dolo, & fraude omnino remotis, inuiolatè præstabo: & non promitto, & iuro; sic me Deus adiuuet, & hæc sancta Dei Euangelia.

10 Vt ne ex Notariorum imperitia detrimenta, & litium occasiones exsistant, quod de ijs ipsis etiam Apostolica, Imperiali, aut Regia auctoritate creatis, Tridentina Sanctione decretum est, id Episcopi studiosè exequantur, ut eorum peritiam, vsuque etiam examinatione adhibita, perquirant.

11 Quicumque verò Notarij, ea per examen disquisitione facta, probati non sint, officij sui in negotijs, litibus, causisque Ecclesiasticis, & Spiritualibus exercitatione, atque vsu per illos, vel perpetuò, vel ad tempus prohibeantur, ad eiusdem Concilij præscriptum.

12 Nullus Notarius iudicibus, ordinarijs, delegatis, arbitris, nec arbitratoribus originales processus deferat; sed eorum tantum exempli, & regesta fideliter collata; nisi alicuius inopia aliud aliquando Episcopo suaderet.

13 In huiusmodi exemplis, seu regestis nihil superuacaneum scribant.

Quare nec dies festos, ad substantiam rei non necessarios, apponant. Nec productarum citationum repetitiones cum inhibitione, vel sine ea, sed illarum executionem tantum, his, vel similibus verbis adscribant. Eo die, &c. repudiata fuit citatio, de qua supra, quæ fuit executæ, vt supra.

Nec

4. De foro Episc.

Sess. 22. c. 10.

1. De Notarijs, & Scribis.

Nec dignitates iudicum, vel litigatorum repetant; sed ponant tantum his, vel huiusmodi verbis. Reuerendissimus Episcopus N. Index N. Actor N. Reus.

14 Nec in carta bibula scribant, nec ea littera, quæ legi facile non possit; sin minus, malè scripta, Episcopus notarij impensa scribi melius iubeat; vel ab ijs, qui regestum petierunt, dimidiam tantum partem taxæ, vel maiorem, vel minorem, si ei videbitur, solui iubeat.

4. Ibidem.

15 Mercedem præterea, quam ex vniuscuiusque causæ, uel ciuili, uel criminalis scriptione, actione uè, & processu acceperint, cum in libro certo exscribant ijs ipsis certis diebus singulis, quibus eam mercedem, aut partem acceperint, & mense, annoque notatis, tum in ipsi causæ, processusque acti, conscriptique sine adscribant item.

3. De ijs quæ ad Episc. for. pert.

16 Vicarius foraneus, atque alij quibus Episcopus, processum aliquem aliundè, seruata iuris formula, cognoscendum, agendumque mandauerit, si in processu conficiendo, Notarium non habent, quem adhibeant, duos sibi morum, uitæque integritate homines, qui acta conscribant, ad præscriptam iuris formam asciscant, ijsque mercedis taxa maior ea ne sit, quæ Notarij fori præscripta est; sed aut æqualis, aut minor, pro illius loci ratione.

5. De Cancellario, & Notarijs.

17 Cancellarius, & Notarij causarum tam ciuiliū, quam criminalium acta, gesta, tabulas, instrumenta uè, & processus originales, ne ullo nomine, ne inspiciendi quidem tantum causa usquam exhibeant, nisi in proprio pluteo, aut Cancellariæ, Archiuuè loco, idq; sine ulla mercede. Illa uerò inde aliò asportari ne liceat, etiam de eorum, quorum interest, consensu: etiam si cui certo homini transferenda rectè, ac iusto committi possint, præterquam iudici causæ ostendenda. Qui fecerit, cum ab Episcopo plectatur graui pœna, tum damnum restituat etiam, si quid quisquam eo nomine fecerit.

18 Ea cautio Cancellario, & Notarijs adhibenda est, ne cuiquam aliquis causæ actorum attestationum, sententiæ, ulliusque scripturæ exemplum edant, facultate scripta editionis à Vicario non data. Qui in eo genere deliquerit, officij amissione mulctetur, aliaque pœna puniatur, pro Episcopi arbitrio.

1. Quæ pert. ad coll. benef.

19 Notarijs, scriptoribus, alijsque Episcopi ministris, pro omnium opera, sumptu, ac labore, in conficiendis litteris, quibus beneficij collatio, confirmatio, institutio, promissio continetur, nō plus duobus aureis ad summum persoluatur. Moderatio huius decreti uidenda in Tit. Quæ ad benef. &c. nu. 33.

1. De Cancell. & Not. Sess. 21. ca. 1. de refor.

20 Notarij in litteris dimissorijs, seu testimonialibus, sacri Concilij Tridentini decretum seruent: in alijs, quæ merè spirituales sunt, etiam si nullum stipendium eis constitutum sit, nihil omnino accipiant; præter

præter scripturæ mercedem, ab ordinario statuendam.
Pro singulis litteris dimissorijs, quæ pro suscipiendis pluribus, omnibusve minoribus, vel etiam maioribus ordinibus concedentur, itemque pro singulis litteris, quibus Notarius testatum faciat plures, omnesve ordines alicui collatos esse, decimam partem aurei numi tantum ad summum à Cancellario accipi liceat &c. Reliqua uide Tit. Quæ ad ordinis sacramentum &c. nu. 100.

21 Quod in Concilio Prouinciali tertio Episcoporum Vicarijs uentum est, ut ne esculenta quidem, poculentauè ab litigantibus, alijsuè, apud se causas agentibus; dono accipiant: idem Cancellario, & notarijs interdictum sit, ab illis saltem accipere, in quorum causis acta conscribunt, notarijue partes agunt.

Maximè interest, non modo eum, qui officium tanti ponderis tamque ualde cum Episcopali cura coniunctum, gerit, quale est Cancellarij Episcopalis munus; sed illos etiam, qui uel substituti nomine, operam simul in eo ipso munere ponunt, uel in Cancellarij scriptorum numero censentur, cum ab omni alio negotio expeditos esse, quò attentiores sint ad operam curamque susceptam, tum maximè vacuos, ac planè liberos, ab omni, uel minima suspitione cupiditatis, prauæque affectionis, nè dum corruptele. Quare, præter ea, quæ olim hoc de genere à nobis constituta sunt, hoc decreto etiam uetamus, atque interdiciamus, ne eorum quispiam ab ulla cuiusuis loci, ordinisue uniuersitate, collegio, homineque ullo nè Diœcesis quidem aliene, qui in foro Episcopali causas, lites, & negotia, cuiuscumque generis sint, duobus ante annis habuit, aut iam nunc habet, aliquod uel minimum donum, munusue etiam spontè oblatum, ac nè rem quidem esculentam, quæ statim consumi possit, accipere directè, aut indirectè, ullo modo possit.

22 Nè præterea in eo foro Ecclesiastico, uel in alio, lites, causas, negotiaue cuiusquam suscipiat, neque agat: nec uerò dispensationes, neque alias eius generis actiones, expeditionesue persequatur, procuretue; nisi officij, quod gerunt, ratio aliter, deposcit, aut Episcopus iussit. Qui contra fecerit, à muneris exercitatione suspendatur, atque eo etiam mulctetur, alijsque pœnis plectatur, arbitratu Episcopi.

23 Nè Episcopus, quicumque, uel spontè oblatum, nè exiguum quidem à secretario scribisuè dono accipi, aut capi ullo nomine patiatur, nè occasione quidem litterarum, etiam quas pro officij munere etiam priuatim, aliquando scribunt.

24 Præter alia, quæ hoc de genere olim, & nunc sancita sunt generatim, uel sigillatim, hoc decreto statuimus, quæ infra ordine sigillatim, quasi in tabella, notantur, ea ipsa singula, tum instrumenta, tum litteras, scriptauè

3. De ijs quæ ad Episc. for. pert.

4. Ibidem.

5. De Cæcel. & Not.

5. De Cæcel. & Not.

Scripta uè à Cancellario gratis, & scribi, & confici, & edi. Id uero omne, ut præstetur, Episcopus omnino efficiat, ac de negligentia, aliaue culpa in Concilio Prouinciali rationem reddat.

*7. Que Gra-
tis in Cācel-
laria confi-
giunt, &c.*

Acta Visitationis, eorumque exempla, quæ ijs eduntur, qui uisitando ad præscriptum decreti, hoc Concilio editi.

Facultates, quarum auctoritate Vicarij, ministrique Episcopales discernuntur.

Litteræ testimoniales, dimissoriauè de suscipiendis ordinibus.

Facultates pontificalia exercendi, quæ Episcopo, alijue aliquando conceduntur.

Attestatiores, quibus testatum fit, aliquem idoneum esse, cui beneficium conferatur, quiuè ad illud instituat, siue ea collatio institutione Romæ facienda sit, siue ab inferiore collatore, siue ab Episcopo.

Rogitus cessionis beneficij liberè coram Ordinario.

Processus, & de natalibus, & ætate, alijsuè conditionibus eorum qui iniciandi sunt, aut recipiendi in seminarium.

Instrumentum iusiurandi, quod ab ijs præstandum est, qui beneficia obtinent.

Instrumentum, ac testimonium professionis fidei, quæ à quouis præstanda sit.

Instrumentum fideiussionis eorum, qui in seminarium recipiunt.

Mandatum de aliquo recipiendò in Seminarium.

Facultas, & probationum omnium, & pertinentium, ad receptionem nouitiae, vel ad professionem præstandam.

Confirmatio Abbatissæ, seu Priorissæ.

Facultates quæcumque monialibus earumue Monasterijs conceduntur.

Facultas ingrediendi Monasteria.

Facultas accedendi ad monialium loca, Collocationibus præfinita.

Facultas erectionis, institutionisue confratriæ, scholæue.

Confirmatio regularum alicuius scholæ, confratriæue.

Scriptum, quo scilicet certæ Ecclesiæ, scholæue quis adscribitur.

Aprobatio ludimagistri.

Litteræ dimissoria, testimonialesue.

Facultas absentiae causa studij.

Facultas eleemosynam colligendi.

Facultas faciendi sepulchrum.

Facultas absoluendi à casibus reseruatis.

Facultas celebrandi ubique vel certo loco.

Facultas prædicandi.

Facultas audiendi confessiones.

Litteræ indulgentiarum, vel earum summæ.

Testimonium consecrationis, reconciliationis Ecclesiæ Cœmitem, Altarium, & Campanarum.

Constitutio coadiutoris.

Reductio Missarum, & de commutatione piarum operatum.

Facultas abeundi extrâ fines Diœcesis, vel peregrinandi.

Litteræ, quæ pro officij munere, quavis de causa ad Parochos, Vicarios foraneos, aliosue scribuntur.

Executio litterarum gratiosarum protonotariatus, & equitum: harum tamen litterarum causa scripturæ merces capiatur, & si quid præterea Episcopus concesserit.

Processus, & acta omnia, quæ conficiuntur ad miraculorum veritatem perquirendam.

Idem de ijs, quæ conscribuntur ad sacrarum reliquiarum veritatem indagandam.

Facultas asportandi cadaver de loco ad locum.

Exempla, editionesue decretorum, ordinationum, statutorum, præceptorumue, quæ Episcopus, aut eius Vicarius ex officio confecerit, servarique mandarit.

Constitutio Vicarij in quavis Ecclesia ad tempus.

Dispensationes, & processus de defectu natalium, irregularitate, vitio, aut defectu corporis, etiam auctoritate ordinaria.

Instrumenta, & scripta quæcumque pro mensa Episcopali; & Capitulo conficiuntur: quæ item Seminarij causa fiunt; ita tamen, vt hoc decreto, solutionis immunitate, Capitulum, & Seminarium dumtaxat fruantur: Clerici vero, alijue, ad quorum causam, commodumue illa scripta, instrumentaue intersunt, quive earum exempla sibi edi petunt, a solutione immunes nè sint.

Litteræ, & expeditiones quæcumque conficiuntur nomine rerum merè spiritualium.

Expeditiones quæcumque pro pauperibus, vel miserabilibus hominibus, de quorū egestate, aut necessitate Episcopi, aut Vicarij iudicio cõstet.

Litteræ præterea, & expeditiones omnes aliæ, quas gratis dandas Episcopus censuerit.

Dispensationes, & facultates, quæcumque ex decretis, vel Provincialibus, vel Diœcesanis, aut eorum occasione dantur.

25 Qui notarij contra hæc decreta peccarint, vel alioqui in officio suo deliquerint, eos Episcopi ab officij usu submoueat ad tempus, vel etiam in perpetuum; si id delicti gravitas postularit; & alijs peccatis suo arbitratu coerceant.

1. De Notarijs, & Scribis.

V u Quæ-

26 Quæcumque de notarijs sancita sunt, ijs etiam scribas, & Cancellarios teneri volumus.

27 Pensiones, in Cancellarijs Episcoporum assignatas, vel, quæ cuiusque soluantur, irritas, & nullas decernimus; nisi quæ iure tolli non possint.

28 Cancellarias verò deinceps uendi, locari, uel earum nomine, uel occasione, quouis pretextu cuiusvis personæ, quidquā solui prohibemus.

Notarij, & si qui præterea in hoc deliquerint, plectantur amissione officij; & alijs præterea pœnis Episcopi arbitrarij.

7. Quæ gratis in Cancellaria cōficiē. &c.

29 De emolumentis Cancellariæ Episcopalis, quam Concilio Prou. primo uendi, locari, earum uel nomine quicquā persolui, uetitum est, nihil prorsus utilitatis priuatæ ad Episcopum, eius uel mensam, aut Vicarium, neque ad alios, præterquam ad Cancellariam, Cancellarium uel, ceterosque eiusdem Cancellariæ ministros, perueniat. Qui aliquid etiam à sponte dantibus perceperit; tū in conscientie foro ne suum faciat; sed pauperibus loci, erogare omnino debet; tū quadruplo mulctetur, quod uel in Ecclesiæ instaurationem, uel in Sacrificij usum erogetur.

7. De Examinatione.

30 In omni hac examinandi ratione Cancellarius pro sui officij munere hæc præstet.

Certum librum habeat prouisionum Ecclesiarum Parochialium, aliorumque beneficiorum, quæ examine adhibito, etiam ex literis Apostolicis, conferenda sunt.

Quo in libro rectè, atque ordinè ab eo notentur hæc.

Acta examinis, quæ in singulos dies, prout examinandi occasio uulerit, fiunt.

Dies uacationis certi beneficij, & modus item uacationis, aliaque id generis.

Dies etiam promulgationis, aut prorogationis edicti, quod de concursu proponi solet; cum beneficij uacationis ratio id postulet, & reliqua etiam, quæ ad promulgationem pertinent.

Nomina quoque examinatorum, quos Episcopus certi illius beneficij uacantis nomine ad examen conficiendum nominatum delegerit.

Nomina etiam eorum, qui eo nomine examinandi proponuntur.

Dies præterea, quo quisque examen subijt.

Nomina etiam examinatorum, qui interfuerint.

Approbatio, aut reiectio, quam eorum iudicio singuli tulerint.

Nomen item, & cognomen eius, quem Episcopus, tamquam aptiorem, magisque idoneum delegerit, cui beneficium ab eo conferatur, ad quem spectat.

Cui libro alia præterea ascribat, quæ Episcopus censuerit.

Librum

Librum alterum conficiat, in quo omnes, & singulos, quos vel con-
cionandi, uel confessionis audienda, vel sacrae lectionis interpretanda
causa Episcopus adhibito examine, vel probat, vel improbat.

In hoc ipso libro notet etiam, & nomina Examinatorum, & die quo
examen confecerint, & causas item repulsae, si quam aliquis tulerit.

Idipsum de certo die, examine, probatione, aut reiectione eorum ser-
uet, quorum experimentum sacrae ordinationis causa fit.

Tertium librum habeat, in quem examina referat, quae generatim
instituantur, atque adeo conficiuntur ad Cleri progressionem in litte-
rarum studijs inuestigandam, atque explorandam.

31 Parochus cum aliquos, uel excommunicatos, uel interdictos pro-
nunciarit, eorum nomina, cognomina, & diem, quo excommunicati inter-
dictiue sunt, quam primum ad fori Episcopalis Cancellarium deferat.

5. De Episc-
po. Epali Iur.
& foro.

Hic uero in tabella, eo potissimum nomine confecta, recte ex scri-
bat, quae a Parocho acceperit.

32 Ei praeterea tabellae, quam in Cancellaria diligenter certo loco
asseruet, addat, detrahat, quicquid in dies singulos addi, detrahi, muta-
riue acciderit.

33 Item de Clericis, qui uel suspensionis censura affecti, uel exilio
multati sunt, accuratè etiam seruet Cancellarius, notato tempore, quo
in ea suspensionis censura, aut in exilio permanere decretum est.

Quò diutius in excommunicationis, interdictiue censura aliquis per-
manerit; cum absoluitur, eò grauiori poenitentia afficiatur.

Conc. Trid.
Sess. 25. ca. 3.
de reform.

De Legibus & Taxa Iudicibus quibuscumque, Notariis,
Scribis, aliisque inferioribus ministris praescri-
ptis, ac praescribendis.

S V M M A R I V M.

- 1 Taxa Notarijs, & Scribis, iudicijque & causis ab Episcopo praescri-
benda. 2.
- 2 Iudicibus item, & Aduocatis, Procuratoribus, & alijs certa statuen-
dae leges.
- 3 Eae leges, taxaeque in Cancellaria Epali publice semper propositae.
Executoribus, carceris custodibus, ministrisque alijs, taxa etiam praes-
figenda. De Inferioribus fori Episc. Ministris, nu. 1.
- 4 Taxa ipsa, ubi adhuc praescripta non sit, infra quod tempus praescri-
benda, & à quo comprobanda.
- 5 Taxa à Metropolitano confecta, & à sanctiss. Gregorio Papa XIII.
confirmata, à quibus seruanda.